

**ԿԱՆԱՐԴԱԿԱՆ ՄԱՏՆՈՒՔԸ / Հայ ժողովրդական հեքիաթներ, Հատոր VIII / Գուգարք (Լոռի),
Լոռու բարբառ (խոսվածք)**

Ժամանակով մի պառավ ա ըլլմ, մի տղա թոռն ա ունենմ: Էդ ըեխեն գնմ ա շլակով ցախ
բերմ, տանմ բագարմ ծախմ, հաց առնմ, բերմ են ուտմ:

Մի անքամ էլ գնմ ա ցախը բագարմ ծախմ, մի կատու առնմ, բերմ տուն:

— Մթա թե շատ լավ ենք ապրմ, կատուն էլ բերմ ես,— չրանմ ա պառավը,— Էդ էլ ավել մի
բողագ ա:

Մի անգամ էլ ցախը բերմ ա, տանմ բագար: Տենմ ա մի օձի ճուտ էլ եշկի միջըմը ծախմ են:
Ասմ են. — Լա՛վ բան, լա՛վ բան:

Էդ ըրեխեն առնմ ա, տանմ տուն:

Պառավն է՛լ չի խոսմ, մենակ հարցնմ ա. — Էդ ուտելու բան չի, ընչի ես առել:

— Դե ծախմ ին, առա:

Մի անքամ էլ մի մաշկո շան թուլա յա առնմ: Պառավը կովմ ա հետը.

— Էդ ընչի ես առել, Էդ մի բողագ ա, չէ՞:

Էդ թագին էլ ա մենձանմ, Էդ կատուն էլ ա մենձանմ, օձն էլ՝ դրանց հետ: Դվորը շարժմ են,
դա էլ ա շարժմ:

Շատ կենալեն, քիչ կենալեն եղը պառավն ասմ ա. — Տղա ջան, արի հրսանիք իլ:

Օձն ասմ ա. — Հրսանիք մի ըլի, ես օձերի թաքավորի որդին եմ: Օձերն ինձ են ման գալի,

դուն քու վզին կգձես ու միասին կգնանք: Օձերի հասարակությունը ինչքան դի կտան թե՛
«Որգի՞» ես գնմ, այ տղա», մտիկ չանես, դուզ կգնաս, իմ մերը մի սեղանի նստած կլի,
կհրամայի, թե. «Իմ ճուտին ման էկեք, գդեք»: Քեզ ինչ որ տան, վեր չունես, մի մատնուք ունի,
էն վեր կանես:

Հասնմ են պալատ: Օձը վեր ա գալի, մոր կուշտը դնմ:

Մերն ասմ ա. — Տղա ջան, ի՞նչ ես ուզմ, ասա, ասելիքդ տամ:

— Ջանիդ սաղութինն եմ ուզմ:

— Իմ ջանի սաղութինը հեչ, դու քեզ հմա մի բան ուզի, որ տանես: Ինչ որ ուզմ ես, ուզի:

— Էդ մատնուքն եմ ուզմ:

— Չէ՛, սրանից սավայի ինչ որ ուզմ ես, ուզի:

— Տղեն եդ ա գնմ, ճուտն էլ եղևիցը:

— Ա՛յ տղա, եդ արի:

Տղեն եդ ա գնմ, մատնուքը վեր ա ունմ, գալի: Դրանով լավ հարստութին ա գդնմ, լավ
շենքեր ա շինմ, տավար, ոչխար առնմ:

Մի օր էլ տատն ասմ ա. — Այ բալա ջան, հերիք ու բոլ ա, ինչքան ես չըչարվեցի, արի հրսանիք
անեմ:

Տղեն համաձայնմ ա, տատը բերմ ա հրսանիք անմ, հարսը բերմ տուն:

Մի ռավոդ տղեն Էդ հարսին ասմ ա, թե. — Գնմ եմ գեղամեջը ման գամ:

Գնմ ա, մատնուքը թողմ ա սեղանին: Վաճառականնի են գալի:

Հարսն ասմ ա. — Կտորը ընչո՞վ կտաք, ես մատնուքով չեք տա :

Դրանք մատնուքը վեր են ունմ, գնմ:

Վաճառականնին գնմ են մի ծովի մեջ, կղզմ լավ շենք են շինմ: Դե՛, մատնուքն էլ

կախարդական ա, ում ձեռը ընգնի, նա էլ կհարստանա:

Տղեն գալիս ա տուն ու կնգանը թե. — Ո՛ւր ա մատնուքը:

— Ծախել եմ, էրկու թուփ կտոր առել:

Դրանք հլեղ քարքանում են:

Մերը լաց ա ըլլւմ.— Այ քոռանամ ես, էս ի՞նչ օղբաթ էլավ:

Թագին լիզու ա ըլլւմ, ասւմ.— Այ տղա, վեր կենանք, գնանք:

Կատուն էլ ա ասւմ:

Գնւմ են, գնւ՛մ, հասնւմ են էդ ծովի դրաղը: Գնւմ են ըտի պայմանավորվւմ: Կատուն ասւմ ա

. — Ես մատնուքը կհանեմ, համա թող շունը չխլի: Իրա շնութիւնը կանի, հանկարծ ծովըմը

բան-ման կպատահի, վրա կպրծնի, բերնիցը վեր կընգնի:

Գնւմ են կղզի, կատուն տենւմ ա մի մուկ, վրա ա թռչւմ, որ բռնի: Մուկն ասւմ ա.— Ընչի՞ ես վրա պրծնւմ:

— Մի անգամ էլ որ դու էկար, կուտեմ, արի մի պայման կապենք:

— Ի՞նչ:

— Այ էդ դութիկըմը մի մատնուք կա, հանի տուր:

Մուկը ծակւմ ա մի քանի օրըմը, մատնուքը տալիս ա կատվին: Կատուն ուրխանւմ ա,

ուրխանալեն գալիս ա թագնի կուշտը, որ վեր կենան գնան: Համա թագին իրա շնութիւնն ա

անւմ ու մատնուքը ձեռիցը խլւմ ա: Ծովըմը մի գագան ա ռաստ գալի, թագին «հաֆ» ա անւմ,

մատնիքն ընգնւմ ա ջուրը:

Գնւմ են ծովի դրաղը, կատուն տղին ասւմ ա էս անպիտանը խլեց, գձեց ծովը:

Տղեն ծիկավը վեր ա ունւմ, գձւմ ծովը, որ շուն ու կտավի բաղդիցը ձուգը հանի:

Մի անքամ ծիկավը քաշւմ ա, ձուգը չի ըլլւմ, երկրորդ անքամ մի ձուգն ա հանւմ:

Կատուն իմաստուն ա ըլլւմ, ասւմ ա.— Գլուխը ինձ տու: Շունն էլ թե.— Ինձ տու:

Տղեն կես ա անւմ, կեսը տալիս ա կատվին, կեսը՝ շանը: Հենց որ վեր ա գձւմ, շունը խլւմ ա

զլուխը: Արի ու տես մատնուքը դուս ա գալի, տերը վեր ա ունւմ, ուրխանելեն գնւմ:

Գնւմ ա տուն, ինչ տենա, պառավն ու կնիկը սովիցը մեռնւմ են:

Էդ կնգանը ձիու պոչիցը կապւմ ա, վախւմ ա, որ մատնուքը էլի կծախի: Էլի թագա հրսանիք

ա ըլլւմ, հարստանւմ: